


Հաստատված է

ԵՊՀ ԻՄ գիտական խորհրդի

նիստում

ԵՊՀ ԻՄ գիտական խորհրդի նախագահ

Ս. Ա. Առաքելյան



ԿԱՐԳ

ՈՒՍԱՆՈՂՆԵՐԻ ԿՈՂՄԻՑ ԴԱՍԸՆԹԱՑՆԵՐԻ ԸՆՏՐՈՒԹՅԱՆ ԵՎ ԴՐԱՆՑՈՒՄ ԸՆԴՔՐԿՎԵԼՈՒ ՀԱՄԱՐ ԳՐԱՆՑՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. ԵՊՀ Իջևանի մասնաճյուղում ուսանողների կողմից դասընթացների ընտրության և դրանցում ընդգրկվելու համար գրանցման կարգը տարածվում է առկա և հեռակա ուսուցման համակարգի ուսանողների վրա:
- 1.2. Ուսանողների կողմից դասընթացների ընտրության և դրանցում ընդգրկվելու համար գրանցման կարգի նպատակն է կրթական ծրագրում առաջարկվող ցանկից ուսանողին հնարավորություն տալ ընտրել իրեն նախասիրությանը և կարողությանը համապատասխան դասընթաց:
- 1.3. Սույն կարգի իրավական հիմքերն են կրեդիտային համակարգով ուսումնական գործընթացի կազմակերպման կարգը, ԵՊՀ ԻՄ կանոնադրությունը և այլ իրավական ակտեր:

2. ՈՒՍԱՆՈՂԻ ԿՈՂՄԻՑ ԴԱՍԸՆԹԱՑԻ ԸՆՏՐՈՒԹՅՈՒՆ

- 2.1. Ուսանողը, մասնագիտությունից անկախ, բակալավրի որակավորման աստիճան ստանալու համար ծրագրի կատարման արդյունքում պետք է կուտակի 240 կրեդիտ ուսումնական բեռնվածություն, իսկ մագիստրոսի որակավորման աստիճան ստանալու համար՝ 120 կրեդիտ ուսումնական բեռնվածություն:
- 2.2. Ուսանողն ուսումնառության ընթացքում իր մասնագիտական ուսուցման համար իրավունք ունի ընտրելու մասնաճյուղի կողմից առաջարկվող ընտրովի դասընթացներ՝ ուսումնական ծրագրերի պահանջներին համապատասխան:
- 2.3. Դասընթացները, ըստ յուրացման բնույթի, բաժանվում են երկու հիմնական խմբի՝

ա/ պարտադիր դասընթացներ,
բ/ կամընտրական դասընթացներ:

- 2.4. Պարտադիր դասընթացներն ամրագրված են յուրաքանչյուր կիսամյակում և պարտադիր են ուսանողի համար:
- 2.5. Կամընտրական դասընթացները առաջարկվող ցանկից ընտրում է ուսանողը, իսկ յուրացման կիսամյակը կարող է լինել ինչպես ամրագրված, այնպես էլ ազատ:
- 2.6. Կամընտրական դասընթացների ցանկը պարունակում է համեմատաբար ազատ բովանդակային կառուցվածք և կազմված է մեկից ավելի առարկաներից, որոնցից ուսանողը հնարավորություն ունի ընտրելու մեկը:

3. ՈՒՍԱՆՈՂԻ ԿՈՂՄԻՑ ԴԱՍԸՆԹԱՑՈՒՄ ԸՆԴԳՐԿԵԼԸ ԵՎ ԳՐԱՆՑՈՒՄԸ

- 3.1. Դասընթացների ընտրության և անհատական ուսումնական ծրագրերի կազմման գործընթացներում ուսանողին օգնում է ուսումնական խորհրդատուն/կուրատորը/:
- 3.2. Ուսումնական խորհրդատուն կազմակերպում է դասընթացն ընտրող ուսանողների և այդ դասընթացը սպասարկող ամբիոնների մասնագետների հետ հանդիպումներ՝ ծրագրերին ծանոթացնելու համար:
- 3.3. Ուսումնական խորհրդատուի կողմից ուսանողի դասընթացի ընտրությունը գրանցվում է անհատական թերթիկում և ստորագրվում է ուսանողի կողմից:
- 3.4. Դասընթացների ընտրության ժամանակ ակադեմիական խումբ չձևավորվելու դեպքում ուսանողին տրվում է կրկնակի ընտրության հնարավորություն: